

Inunnik najugaqarfigineqartuni aallaasersornerit Kalaallit Nunaani pinerluttuleriner-mik inatsisip ataani inissisimalersinneqarnissaat, tamatumani inatsisit unioqqutinneqar-nerini pineqaatissiisalnissat aammalu aallasersornermi aallaasit atorineqartut arsaarinnissutigineqartalernissaanik Naalakkersuisut Danmarkip Naalagaaffianik isumaqati-ginninniarnissamik aallarniinnissaat Naalakkersuisut peqquneqarnissaat pillugu Inatsi-sartut aalajangiiffigisassaattut siunnersuut.

(Inatsisartunut ilaasortaq Jens B. Frederiksen, Demokratit)

Akissuteqaat

(Ilaqutariinnermut inatsiseqartitsinermullu Naalakkersuisoq)

Siullermeerneqarnera

Inatsisartuni ilaasortaq Jens B. Frederiksen uani aalajangiiffigisassatut siunnersuutimini tikkuussivoq ajornartorsiummik annertuumik, immikkullu isiginiartariaqartumik. Nunatsinni innuttasut sumiiffiminni tamani toqqissisimanermik misigisimanissaat pingaaruteqarpoq.

Kalaallit Nunaannut Pinerluttuleriner-mut Inatsisip ataani najugaqarfinni aallaasersorsimasu-nut inatsisitigut pineqaatissiisinnaanerit pillugit danskit naalakkersuisuinik isumaqatiginnin-niarnissamik aallartitsinissamut aalajangiisoqartinnagu erseqqissumik misissorneqartariaqar-poq taamatut allannguut sunik kinguneqarsinnaanersoq, aalajangersakkamillu pilersitsisoqas-sappat taanna qanoq oqaasertaqartinneqassanersoq. Tamanna ullumikkut politiit ileqqoreqqu-saatigut tunngaveqartinneqarpoq.

2014-imut aningaasanut inatsisissatut siunnersuummi Ilaqutariinnermut Inatsisinillu Atortitsi-nermut Naalakkersuisoqarfimmi inatsisileriner-mut immikkoortumi atorfinnut marlunnut alla-nut aningaasaliisoqarsimavoq. Aningaasat taakku atornerisigut tunngaviumik ilaatigut Ka-laallit Nunaannut Pinerluttarner-mut Inatsisip aamma Kalaallit Nunaannut Eqqartuussisar-neq pillugu Inatsisip sukumiisumik misissorneqarnissaat siunertaavoq. Taamaaliornikkut inatsisinik atortitsiner-mut tunngatillugu inatsisit nunatsinnut atuuttut sutigut iluarsineqarsinnaanerat misissorneqassaaq, taakkulu qanoq isillugit pingaarnersiorneqassanersut. Taamaaliornikkut inatsisinik atortitsiner-mut tunngatillugu iliuusissatut pilersaarut suliarilluagaaq qulakkeerneqassaaq.

Najugaqarfiit iluanni aallaasersornerit pillugit malittarisassat allanngortinneqassappata tassunga suliner-mut ilaatinneqassaaq. Taamaammat inassutiginarpoq suliaq qulaani taaneqartoq naammassineqareerpat danskit naalakkersuisuinik isumaqatiginninniarnissat aallartinnissaat utaqqisinneqassasoq. Aamma taamatut iliuusissatut pilersaaruteqarnermi si-ngernermioqartitsisarnermik ajornartorsiuteqarneq kiisalu Kalaallit Nunaannut Pinerluttuleri-ner-mut Inatsimmi § 91-imi malittarisassat nutaanik ilaartornissaat sulianut ilaanissaat siu-nertaavoq.

Aalajangersakkami tassani oqaatsit massakkut atorineqartut malillugit inatsit manna malillugu katissimatilluni inummik atoqatigiinnissamut itigartitsitsinnaanngitsumik ilaqarnissaaq inerteq-qutigineqanngilaq.

Danskit naalackersuisuisa suliasaraat inatsiseqartitsinikkut kalaallit malittarisassa at ullutsinut naleqquttunngorlugit suliarinissaat, kalaallillu pisariaqartitaat malillugit ingerlanneqarlutik. Peqataanik danskit inatsisinik atortitsinerisa iluanni malittarisassiornermik nutarterisarnerit kalaallit inatsisiliornerannut toqqaannartumik nuunnissaat tulluurtuunngilaq tunaartarineqarnanilu, tassami tassani pingaaruteqarmat malittarisassat inuiaqatigiinnut sullinneqartunut sammitinneqassasut. Taamaammat Naalackersuisut akisussaafigissavaat inatsisilerinikkut piareersaanermi danskit naalackersuisuinut akisussaassuseqarnermik eqqaasitsissallutik, taamaaliornikkut susassaarfimmi inatsisiliornerit Kalaallit Nunaanut Kalaallillu Nunaata inuinnut ajunnginnerpaamik suliarineqarnissaat anguniarlugu.

Aalajangiiffigisassatut siunnersuutip itigartinneqarnissaa inassutigineqarpoq.

Oqaatsit taakku atorlugit Naalackersuisut inersuarmi oqallilluarnissamik kissaassipput.